

PRISTUP Pomočnik, i zaščitnik nam jest Gospod: o nem vzradujet se srdce naše, i va ime sveto jeho upvahom. (Ps.) Pasej Izraela vanmi: vodej jako ovče Iosipa. Slava Otcu, i Sinu, i Duhu Svetomu. Jakože bě iskonil, i nině, i vseгда: i va věki věkov. Amen. Pomočnik, i zaščitnik nam jest Gospod: o nem vzradujet se srdce naše, i va ime sveto jeho upvahom.

MOLITVA

Jer. Pomolim se. Bože, iže neizrečenim promislom blaženago Iosipa přěsvetěj Roditełnici svojej obručnika izbrati izvolil jesi: podaj, molim te; da, jehože zaščitnika častim na zemli, hodataja iměti utegnem na nebeseh: Iže živeši i cěsarstvuješi s Bogom Otcem v jedinstvě Duha Svetago Bog: va vse věki věkov.

Sl. Amen.

Jer. Pomolim se. Hodatajstvo ni, molim te Gospodi, blaženago Egidija Avata da poručit: da ježe našimi utežanji ne možem, to jeho zaščićenjem postignem.

Bratski věnac Mučenik tvoih, Gospodi, da vazveselit ni: iže i věř našej da podast vzrašćenja dobrodětělij, i mnohočinnoju ni pomočju da utěšit. Gospodem našim Isu-Hrstom Sinom tvoim: Iže s toboju živet i cěsarstvujet v jedinstvě Duha Svetago Bog: va vse věki věkov.

Sl. Amen.

TAJNAJA

Jer. Přěsvetije Roditełnice tvojeje obručnika zaščićenjem podkrěpleni, molim, Gospodi, milost tvoju: da srdcem našim podasi vsa zemnaja přězirati, tebe že istinna Boga svršenoju ljubavju ljubiti: Iže živeši i cěsarstvuješi s Bogom Otcem v jedinstvě Duha Svetago Bog: va vse věki věkov. Amen.

Na svetije oltari, Gospodi, žrtvi položeni sveti Egidije Avat, molim te, nam v spasenje proiziti da isprosit.

Tajni tvoje, Gospodi, v pamet svetih Mučenik tvoih blagočastivim umom dělaim: imiže nam i pomoč da vzrastet i radost. Gospodem našim Isu-Hrstom Sinom tvoim: Iže s toboju živet i cěsarstvujet v jedinstvě Duha Svetago Bog: *va vse věki věkov.*

Sl. Amen.

POPRIČEŠČENJE

Jer. Pomolim se. Božastvenago dara istočnikom nasićeni, molim te, Gospodi Bože náš: da, jakože ni tvořiši blaženago Iosipa zaščićenjem radovati se; tako, utežanji jeho i hodatajstvom, podasi nam biti nebesnije slavi přičestnikom. Gospodem našim Isu-Hrstom Sinom tvoim: Iže s toboju živet i cěsarstvujet v jedinstvě Duha Svetago Bog: va vse věki věkov.

Sl. Amen.

Jer. Pomolim se. Da zaščitit ni, Gospodi, prijetjem tvojeje svetbi blaženi Egídijske Avat za ni hodatajstvuje: da učujem i žitja jeho znamenja, i pomoći hodatajstva vasprimem.

Podaj, molim te, vsemogi Bože: da, ihže pamet tajni pričešćenjem pominajem, věř takode uspěvajuće posleđujem. Gospodem našim Isu-Hrstom Sinom tvoim: Iže s toboju živet i cěsarstvujet v jedinstvě Duha Svetago Bog: va vse věki věkov.

Sl. Amen.